

Na osnovu člana 16. stav (1) i člana 17. stav (2) Zakona o Vladi Hercegovačko - neretvanskog kantona („Službene novine HNK“, broj: 3/07, 5/09) i na osnovu člana 28. stav (6) a u vezi člana 62a) Zakona o koncesijama Hercegovačko - neretvanskog kantona („Službene novine HNK“, broj: 1/13,7/16 i 6/18), Vlada Hercegovačko-neretvanskog kantona je na 96. sjednici, održanoj 15.1.2019. godine, donijela

ODLUKU
O DODJELI KONCESIJE ZA OBAVLJANJE ELEKTROPRIVREDNE
DJELATNOSTI PROIZVODNJE, PRENOSA I DISTRIBUCIJE
ELEKTRIČNE ENERGIJE ZA IZGRADNJU DVA
ELEKTROENERGETSKA OBJEKATA FOTONAPONSKIH
ELEKTRANA NA LOKALITETU PJEŠIVAC – OPĆINA STOLAC

I

Vlada Hercegovačko – neretvanskog kantona kao koncesor, dodjeljuje koncesiju za obavljanje elektroprivredne djelatnosti proizvodnje, prenosa i distribucije električne energije koncesionaru, privrednom društvu BIČAKČIĆ SOLAR d.o.o. Sarajevo, za izgradnju dva elektroenergetska objekta fotonaponskih elektrana i to za:

Fotonaponsku elektranu "BIČAKČIĆ 4 " instalisane snage 30 kW, koja se nalazi na lokalitetu Pješivac - Općina Stolac na k.č. br. 1/181 (stari broj: 991/178) K.O. Pješivac;
Fotonaponsku elektranu "BIČAKČIĆ SOLAR " instalisane snage 150 kW, koja se nalazi na lokalitetu Pješivac - Općina Stolac na k.č.br. 1/113, (stari broj: 991/109) K.O. Pješivac;

II

- (1) Koncesija se dodjeljuje na period od 30 godina od dana početka korištenja koncesije.
- (2) Rok trajanja koncesije počinje teći od dana zaključenja ugovora o koncesiji.
- (3) Koncesija prestaje istekom tridesete godine od dana početka korištenja koncesije.

III

- (1) Prava i obaveze koncesora i koncesionara precizirat će se ugovorom o koncesiji koji će, uz prethodnu saglasnost Vlade i pribavljeno mišljenje Kantonalnog javnog pravobranilaštva, u ime koncesora s koncesionarom potpisati ministar privrede HNK.
- (2) Krajnji rok za potpisivanje ugovora iz stava (1) ove tačke je 60 dana od dana konačnosti ove Odluke.
- (3) Eventualne izmjene i dopune ugovora o koncesiji, te raskid ugovora o koncesiji ukoliko za to nastanu zakonski uslovi, vrši se na isti način i postupak kao kod zaključenja ugovora.

IV

- (1) Jednokratna koncesijska naknada za :
Fotonaponsku elektranu "BIČAKČIĆ 4 " iznosi 213,04 KM.
Fotonaponsku elektranu "BIČAKČIĆ SOLAR " iznosi 1063,09 KM.
- (2) Tekuća (godišnja) koncesiona naknada je:
- koncesiona naknada za korištenje obnovljivih izvora i obavljanje djelatnosti (TKNd) koja se obračunava prema formuli:
 $TKNd = 0,03 \times GPB \times 0,05 \times \Sigma B$
- (3) Sredstvo obezbjeđenja za izvršavanje obaveza plaćanja jednokratne i tekuće (godišnje) koncesione naknade, je безусловna bankarska garancija za svaku vrstu naknade posebno, i

to u vrijednosti iznosa ovih naknada, a ugovorom o koncesiji pobliže će se propisati ova obaveza koncesionara, kao i rokovi za dostavu ovih garancija, te posljedice neizvršavanja obaveze plaćanja ovih naknada.

V

(1) Koncesiona djelatnost obavljat će se na način i pod uslovima propisanim svim zakonskim propisima koji regulišu oblast izgradnje energetskih projekata ove vrste i Zakonom o koncesijama Hercegovačko - neretvanskog kantona, kao i na osnovu rješenja datih u Studiji ekonomske opravdanosti-prikaz generalnog projekta i tehničko –tehnoloških rješenja.

(2) Zakonski propisi i standardi koji regulišu pitanja prostornog planiranja, vodoprivrede i zaštite na radu, su također obavezujući za koncesionara.

VI

Ugovorom o koncesiji obavezno će se propisati i slijedeće obaveze:

- a) da se koncesionar obavezuje, na svoj trošak i na svoj rizik, ishodovati sve dozvole/saglasnosti koje su propisane posebnim zakonima koji regulišu oblast, prostornog planiranja, vodoprivrede i zaštite na radu, ukoliko postoje zakonske obaveze i uslovi za to ishodovanje i kopije istih dostaviti koncesoru u roku od 15 dana po pravomoćnosti.
- b) da će se ugovor o koncesiji raskinuti pod uslovima predviđenim Zakonom o koncesijama, kao i ako koncesionar tri godine za redom proizvede na godišnjem nivou manje od 20% od planirane godišnje proizvodnje električne energije;
- c) da je za nadzor nad ostvarenjem koncesije nadležno Ministarstvo privrede ili lice koje ministar privrede ovlasti, kao i Ministarstvo finansija za nadzor nad ispunjenjem finansijskih obaveza;
- d) da se dodijeljena koncesija može prenijeti na drugo pravno lice u skladu sa Zakonom o koncesijama;
- e) sve druge odredbe propisane članom 32. Zakona o koncesijama Hercegovačko – neretvanskog kantona, kao i one koje su od značaja za predmetnu koncesiju.

VII

Nezadovoljni učesnik postupka za dodjelu koncesije može, u roku od 15 dana od dana objavljivanja ove Odluke, Vladi Hercegovačko - neretvanskog kantona podnijeti zahtjev za preispitivanje Odluke u skladu sa članom 29. Zakona o koncesijama Hercegovačko - neretvanskog kantona.

VII

Odluka stupa na snagu danom njene konačnosti, objavit će se u „Službenim novinama Hercegovačko - neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

Broj: 01-1-02-108/19
Mostar, 15.1.2019. godine

P R E D S J E D N I K
dr.sc. Nevenko Herceg